

御批資治通鑑綱目

第二函
六冊

御批資治通鑑綱目卷十九

起已卯晉元帝太興二年凡十九年

盡丁酉晉成帝咸康三年○後趙高祖石勒元年○春二

月劉遐徐龕擊周撫斬之○考異擊當作討斬當作誅

初掖人蘇峻帥鄉里結壘以自保遠近多附曹嶷惡其

有功以為**集覽**掖漢地志東萊有掖縣**質實**掖漢之縣

淮陵內史**集覽**今萊州掖縣屬濟南**質實**掖漢之縣

名為東萊郡治晉屬東萊國北齊以曲城當利二縣省

入隋至元並為萊州治本朝因之屬萊州府淮陵漢

之縣名屬臨淮郡晉以前仍舊後廢之故

城在鳳陽府舊招信縣西北二十五里

石勒獻捷於漢漢斬其使

勒遣左長史王修獻捷於漢漢主曜遣使授勒太宰進

爵趙王加殊禮稱警蹕修舍人曹平樂留仕漢言於曜

曰勒遣修來實視強弱俟其復命將襲乘輿時漢兵疲

弊曜乃追所遣使斬修於市勒大怒曰孤事劉氏於人

臣之職有加矣。彼之某業皆孤所為。今既得志。**質實** 警

還欲相圖。趙王趙帝孤自為之。何待於彼邪。注見漢文

帝三年。三月合祭天地於南郊。

帝令群臣議郊祀。刁協等以為宜須還洛。司徒荀組等曰。漢獻帝都許。即行郊祀。何必洛邑。從之。立郊丘於建康城之已地。親祀之。以木實實 刁協渤海饒安人建康有北郊并地祇合祭之。 郡名。注見漢獻帝興平

二年金陵。

詔琅邪恭王為皇考。既而罷之。**考異**

提要詔作尊。據漢綬和二年書追尊定陶

共皇則此當書尊。

考證

詔當作尊。○謹按凡例曰。凡正統尊立。皆當書尊。曰尊某為某。

詔琅邪恭王宜稱皇考。賀循曰。禮子不敢以已爵加於父。乃止。

書法

書皇其私親多矣。自漢宣帝以來。未之有改也。下詔未幾。尋繼以罷。元帝於是可謂能從諫矣。

書曰既而罷之。美改過也。

夏四月將軍陳川以浚儀叛降石勒

初蓬陂塢主陳川自稱陳留太守祖逖之攻樊雅也川遣其將李頭助之頭力戰有功逖厚遇之頭每嘆曰得此人為主吾死無恨川聞而殺之大掠豫州諸郡逖遣兵擊破之川遂叛降石勒

唐玄宗開元十年

徐龕以泰山叛降石勒質實泰山郡名注見秦

周撫之敗走也龕部將追斬之及朝廷論功而劉遐先之龕怒以郡降石勒

漢徙都長安立妃羊氏為后子熙為太子

羊氏即惠帝后也曜嘗問之曰吾何如司馬家兒羊氏曰陛下開基之聖主彼亡國之暗夫何可並言彼貴為帝王有一婦子及身三耳曾不能庇妾於爾時實不欲生意謂世間男子皆然自奉巾櫛以來始知天下自有丈夫耳曜甚寵之頗預國事

書法羊氏何惠后也綱目書之其為中國悲甚矣羊氏自為惠后三廢三復於是又下匹非類視秦

官元皇帝太興二年

毛氏。孝武太元十四年。可以愧死矣。

南陽王保自稱晉王。

保既稱王。改元建康。置百官。陳安叛降于成。上質實邦大饑。又為安所逼。張寔遣韓璞救之。安乃退。縣名。注見漢光武建武八年。

書法

書自稱何。譏也。江東正位。晉之社稷有奉矣。而又必稱晉王。是爭也。書自譏之。

江東大饑。詔百官言事。

益州刺史應詹上疏曰。元康以來。賤經尚道。以玄虛宏放為夷達。以儒術清儉為鄙俗。宜崇獎儒官。以新俗化。集覽應詹姓名。應於陵反。本周武王後。左傳。邶。晉應。韓武之穆也。質實益州注見武帝泰始八年。

元康惠帝年號。

祖逖討陳川。石勒遣兵救之。逖退屯淮南。勒兵守蓬關。

逖攻陳川于蓬關。石勒遣石虎桃豹救之。逖兵敗。退屯淮南。虎徙川部眾于襄國。留豹守川故城。質實

襄國郡名。注見

質實

名。注見宋明
帝泰始三年。

○梁州刺史周訪擊杜曾斬之

考異

擊手當作
討斬當

初王敦患曾難制。謂周訪曰。若擒曾。當相論爲荊州。至是訪破斬曾。而敦不用。王廙在荊州。多殺陶侃將佐。士民怨怒。帝徵爲散騎常侍。而以訪代之。敦忌訪威名。難之。從事郭舒說敦曰。荊州雖荒弊。乃用武之國。不可以假人。宜自領之。訪爲梁州足矣。敦從之。乃加訪安南將軍。餘如故。訪大怒。敦手書譬解。并玉環玉腕遺之。訪抵之於地。曰。吾豈賣豎。可以實悅邪。訪在襄陽。務農訓兵。陰有圖敦之志。守宰有缺。輒補然。後言。王敦不能制。

集覽

黃豎。黃。坐。販者。言賤
力無智。若童豎然。

質實

周訪汝南人。
郭舒順陽人。

漢改號趙。

漢主曜立宗廟社稷南北郊於長安。改國號為趙。以冒頓配天。光文配上帝。

集覽

冒頓。漢高時匈奴頭

曼單于之子也。今劉曜以為祖。漢書注。冒頓音墨特。或如字讀。

徐龕寇濟岱。以羊鑒為都督討之。

徐龕寇掠濟岱。王導以太子左衛率羊鑒。龕之州里冠族。必能制之。鑒深辭才非將帥。郗鑒亦表鑒不可使。導

不從。以鑒為征討都督。督徐州刺史蔡豹。及劉遐。鮮卑段文鸯等討之。

集覽

濟岱。濟河海岱之地。在兗

青徐間。孟子題辭。濟岱之間。解云。濟水名。如濟南濟西是也。岱山名。即岱宗泰山也。

質實

羊鑒。泰山人。郗

鑒。高平人。蔡豹。陳留圉人。

冬十一月。石勒稱趙王。

勒即趙王位。稱元年。是為後趙。以將軍支雄等主胡人辭訟。林示胡人不得陵侮華族。號胡為國人。遣使循行州郡。勸課農桑。朝會始用天子禮樂。加張賓大執法。專總朝政。以石虎為驃騎將軍督諸軍。賜爵中山公。賓任遇優顯。群臣莫及。而謙虛敬慎。開懷下士。屏絕阿私。以身帥切。入則盡規。出則歸美。勒甚重之。每朝常為之正容。

貌簡辭令呼曰集覽循行行下孟反行之有序曰循行

右侯而不敢名續漢志云部國以春月行所七縣

十二月宇文氏攻慕容廆廆大敗之遂取遼東遣長史裴

疑來獻捷

平州刺史崔毖以士民多歸慕容廆心不平陰說高句麗段氏宇文氏使共攻之毖所親高瞻力諫不從三國合兵伐廆諸將請擊之廆曰彼為毖所誘欲邀一切之利軍勢初合其鋒甚銳不可與戰當固守以挫之彼鳥合而來莫相歸服久必攜貳然後擊之破之必矣三國進攻棘城廆閉門自守獨以牛酒犒宇文氏二國疑宇文與廆有謀各引兵歸宇文士卒數十萬連營四十里其大人悉獨官曰二國雖歸吾當獨取之廆使召其子翰於徒河翰曰彼眾我寡難以力勝請為奇兵於外伺其間而擊之若并兵為一彼得專意攻城非策之得也廆從之悉獨官聞之曰翰不入城或能為患當先取之分遣數千騎襲翰翰為段氏使者逆於道而設伏以待奮擊盡獲之乘勝徑進遣間使語廆出兵大戰前鋒始交翰將千騎從旁直入其營縱火焚之眾遂大敗悉獨

官僅以身免。虜俘其眾，獲皇帝玉璽三紐。崑崙之懼，奔高句麗。虜以其子仁鎮遼東，官府市里按堵如故。以高瞻為將軍，瞻稱疾不就。虜數臨候之，撫其心曰：「君之疾在此，不在他處也。」今晉室喪亂，孤欲與諸君共濟世難。翼戴帝室，奈何？以華夷之異，介然疎之哉？夫立功立事，惟問志畧如何耳。瞻猶不起，虜頗不平。瞻以憂卒。虜使裴嶷奉表，并所得璽詣建康獻之。

集覽

大人，其俗以勇健能理

質實

平州注見

秦王政三年，右北平、徒河縣名。注見武帝太康六年，遼東國名。注見秦王政三年。

書法

書來獻捷，予義也。綱目於慕容氏有取焉。

蒲洪降趙。

三年。

趙光初三年，後趙二年。

考異

當圈下分註涼王張茂末元元。

春二月，後趙寇冀州。

執刺史邵續，詔以其子緝代之。

段末柸攻段匹磾，破之。匹磾謂冀州刺史邵續曰：「吾本夷狄，以慕義破家。君不忘记久要，請相與共擊末柸。」續遂相與追擊，大破之。匹磾遂與弟文鴛進攻薊。後趙王勒知續勢孤，遣虎將兵攻之。續自出擊虎，虎伏騎斷其後。

遂執續。使降其城。續呼兒子等謂曰。吾志欲報國。不幸至此。汝等努力。奉匹磾為主。勿有貳心。匹磾還與續子緝等固守。虎送續於襄國。勒以爲忠。釋而禮之。因下令自今克敵獲士人。必生致之。吏部郎劉盾聞續被攻。言於帝曰。北方藩鎮。惟餘邵續。如使爲虎所滅。孤義士之心。宜發兵救之。帝不能從。聞續已沒。乃詔以續位在緝。**授質實**。邵續。魏郡安陽人。薊縣名。注見漢

趙將尹安等降。

安及宋始等四軍屯洛陽。降於司州刺史李矩。矩使潁川太守郭默將兵入洛。後趙石生虜宋始一軍北渡河。於是河南之民皆相帥歸矩。洛陽遂空。**質實**。司州。注見秦莊襄王元年三川郡。

三月以慕容廆爲平州刺史。

裴嶷至建康。盛稱廆之威德。賢雋皆爲之用。朝廷始重之。帝欲留嶷。嶷曰。臣少蒙國恩。出入省闈。若得復奉輶轂。臣之至榮。但以舊京淪沒。山陵穿毀。名臣宿將。莫能雪耻。獨龍驤竭忠王室。故使臣萬里歸誠。今臣不返。必謂朝廷以其僻陋而棄之。孤其嚮義之心。使懈於討賊。此臣之所甚惜也。帝然之。遣使隨嶷拜廆爲安北將軍。

平州刺史質實

龍驤太興元年以慕容廆為龍驤將軍故以龍驤稱廆也

夏五月上邽諸將殺晉王保保故將陳安降漢以討賊殺

之考異

提要漢作趙無以討賊殺之五字按漢前年改號趙當書趙

考證

漢當作趙謹按漢於太

興二年已改號趙諸本於此誤書漢當改正之

保體重八百斤喜睡好讀書而暗弱無斷故及於難

書法

書殺何不成保之為晉王也保書殺矣殺保者易為書賊予安以討賊之義也故特書故將凡

書故將皆予義也於是漢改號趙不書趙書漢何漢不共戴天之讐也賊可討也而不免降漢焉特書漢所以志讐國而為安惜也及其叛也則書叛趙矣綱目書故將七詳漢高帝五年唯利幾書反公師藩書寇非予辭若安書降漢則亦予之而不盡予也

羊鑒有罪除名以徐州刺史蔡豹代之

鑒討徐龕頓兵下邳不敢前蔡豹敗龕於檀丘龕求救於後趙勒遣其將王伏都救之伏都淫暴龕疑其襲已

斬之。復來請降。不受。敕鑒進攻。鑒猶疑憚不進。刁協刻鑒。免死除名。以豹代領其兵。王導以失舉乞自貶。不許。

質實

徐州。注見秦始皇二十八年彭城。下邳縣名。注見漢高帝六年。

涼州殺其刺史張寔。寔弟茂立。

考異

按即位例曰。僭國如稱帝者。繼世曰太子。

某立。始稱王者。繼世曰嗣。此張寔未嘗稱帝。繼世不當書立。據太安二年。書羅尙大破李特。斬之。李流代領其衆。李流死。雄代領其衆。此條當書寔弟茂代領其衆。

考證

立當作代之。

京兆人劉弘。客居涼州天梯山。以妖術惑衆。張寔左右皆事之。弘自言天與神璽。應王涼州。於是帳下閭涉等謀殺寔而奉之。寔弟茂知其謀。告之寔。遣收弘。未至。涉等遂殺寔。寔所遣兵執弘轅之。誅其黨與數百人。左司馬陰元等以寔子駿尙幼。推茂爲刺史。茂以駿爲世子。

集覽

轅之。轅音患。車裂人也。

質實

京兆

郡名。注見漢武帝太初元年。涼州。注見唐中宗景龍二年。一統志云。天梯山在陝西涼州衛城南八十里。山路崎嶇如梯。故名。

氏羌巴羯叛趙。趙討平之。

趙將解虎尹車謀反與巴酋句徐庫彭等相結事覺虎車伏誅趙主曜囚徐彭等五十餘人將殺之光祿大夫游子遠諫曰聖王用刑惟誅元惡不宜多殺曜怒囚之殺徐彭等於是巴衆盡反四山氏羌巴羯應之者三十餘萬關中大亂城門晝閉子遠又從獄中上表諫諍曜手毀其表叱左右速殺之呼延晏等諫曰子遠幽囚不忘諫諍忠之至也奈何殺之子遠朝誅臣等亦當夕死以彰陛下之過天下將捨陛下而去陛下誰與居乎曜乃止又欲自將討之子遠又諫曰彼非有大志欲圖非望也直畏威刑欲逃死耳莫若大赦與之更始其沒入者皆縱遣之使相招引聽其復業彼得生路何爲不降若其中自知罪重屯結不散者願假臣弱兵五千必爲陛下梟之曜大悅卽曰大赦以子遠爲車騎大將軍出屯安定反者皆降惟句氏宗黨保于陰密進攻滅之徙氏羌二十餘萬于長安曜以子遠爲大司徒錄尙書事

集覽

句徐姓名

質實

安定郡名

注見漢光武建武元年陰密縣名注見周赧王五十八年

趙立太學

趙立太學選民之可教者千五百人擇儒臣以教之

趙以喬豫和苞爲諫議大夫。

趙主曜作鄴明觀。及西宮陵霄臺。又營壽陵。侍中喬豫和苞諫曰。前營鄴明。市道細民咸曰。以一觀之功。足以平涼州矣。今又欲擬阿房而建西宮。法瓊臺而起陵霄。其爲勞費億萬。鄴明若以給軍。則可以兼吳蜀而起陵霄魏矣。又營壽陵。周圍四里。銅梓金飾。其深三十五丈。殆非國內之所能辦也。自古無不亡之國。不掘之墓。故聖人之儉葬。乃深遠之慮也。曜下詔曰。二侍中懇懇有古人之風。可謂社稷之臣矣。其悉罷諸役。壽陵制度。一遵霸陵之法。以豫苞領諫議大夫。又省鄴水。以與貧民。

集覽

阿房。注見秦始皇三十五年。瓊臺。汲冢竹

書曰。夏桀作傾宮瑤臺。殫百姓之財。多發美女。以充之。商紂作瓊室。立五門。其大三里。高千丈。

書法

自晉初書以傳立皇甫陶爲諫官。乙酉年。是後五十四年無聞焉。於是復書則趙也。綱目錄小

善。雖僭國必書之。

秋七月。後趙兵退走。祖逖進屯雍丘。詔加號鎮西將軍。

祖逖將韓潛與後趙將桃豹分據陳川故城。相守四旬。逖以布囊盛土。使千餘人運以饋潛。又使數人擔米息

於道。豹兵逐之。即棄而走。豹兵久饑。以為逃士眾豐飽。大懼。後趙運糧饋豹。逃又使潛邀擊獲之。豹宵遁。逃使潛進屯封丘。以逼之。逃鎮雍丘。後趙鎮戍歸逃者甚多。先是李矩郭默等互相攻擊。逃馳使和解。示以禍福。遂皆受逃節度。詔加逃鎮西將軍。逃與將士同甘苦。約已務施。勸課農桑。撫納新附。雖疎賤者皆結以恩禮。河上諸塢。先有任于在後趙者。皆聽兩屬。時遣游軍。偽抄之。明其未附。塢主皆感恩。後趙有異謀。輒密以告。由是多所克獲。自河以南。多叛後趙歸晉。逃練兵積穀。為取河北之計。後趙王勒患之。乃下幽州。為逃修祖父墓。置守冢二家。因與逃書。求通使及互市。逃不報書。而聽其互市。收利十倍。逃牙門童建降于後趙。勒復斬送其首曰。叛臣逃吏。吾之深仇。將軍之惡。猶吾惡也。自是後趙人叛歸者。逃皆不納。禁諸將不使侵暴後趙之民。邊境之閒稍得休息。

質實

封丘縣名。注見唐僖宗中和四年。雍丘縣名。注見漢桓帝延熹四年。

八月。梁州刺史周訪卒。詔以甘卓代之。

訪善於撫納。士眾皆為致死。知王敦有不臣之心。私常切齒。敦由是終訪之世。未敢為逆。及卒。敦遣郭舒監其軍。帝以甘卓鎮襄陽。徵舒為右丞。敦留不遣。

質實

襄陽郡名。注見漢獻帝建安十二年。

蔡豹與徐龕戰敗。伏誅。龕遂降後趙。○後趙定九品舉六科。

後趙王勒用法嚴峻。使張賓領選。定九品。命公卿及州郡歲舉秀才至孝廉清賢良直言武勇之士各一人。

冬十二月。以譙王承爲湘州刺史。

帝之始鎮江東也。王敦與從弟導同心翼戴。帝亦推心任之。敦總征討。導專機政。群從子弟。布列顯要。時人爲之語曰。王與馬共天下。後敦恃功驕恣。帝畏而惡之。乃引劉隗刁協等以爲腹心。稍抑損王氏權。導亦漸見疎外。中書郎孔愉陳導忠賢。有佐命之勲。宜加委任。帝出愉爲長史。導能任眞推分。謗如也。而敦益懷不平。其參軍沈充。錢鳳。皆巧諂內狎。知敦有異志。陰爲畫策。敦寵信之。敦上疏爲導訟屈。辭語怨望。左將軍譙王承忠厚有志行。帝親信之。夜召承以敦疏示之。隗亦爲帝謀。出心腹以鎮方面。會敦表充爲湘州刺史。帝謂承曰。敦奸逆已著。朕爲惠皇。其勢不遠。湘州據上流。若三州之會。欲以叔父居之。何如。承曰。臣奉承詔命。惟力是視。何敢有辭。然湘州經蜀寇之餘。民物彫弊。若及三年。乃可卽戎。苟未及此。雖灰身無益也。詔以承爲湘州刺史。行至

武昌敦與之宴。謂承曰。大王雅素佳士。恐非將帥才也。承曰。公未見知耳。鈐刀豈無一割之用。敦謂錢鳳曰。彼不知懼而學壯語。無能為也。乃聽之。鎮時湘土困弊。承躬自儉約。傾心綏撫。甚有能名。

集覽

承。譙王。

封邑名。漢屬沛郡。承。譙王名也。字與承同。隸省作承。任真推分。任從其真性。不肯假借。推之分齊。無復顧惜。朕為惠皇。元帝以惠帝自比。蓋惠帝為太傅越所燒。鈐刀鉛似錫。不可為刀。漢賈誼賦。莫邪為鈍。今鉛刀為銛。言

不可強扶。

正誤

譙王承。今按承即拯字。音整。任真推分。持而用也。今按元帝抑損王氏權。導漸見疎外。而

能任其真性。推之分限。不介于懷。言自然安分。非矯情也。

質實

劉隗。彭城人。孔愉。會稽人。譙。國名。注見漢

獻帝建安十五年。湘州。注見漢獻帝興平元年。長沙。

四年。

趙光初四。後趙三年。

春正月。徐龕復降。○三月。日中有黑子。

著作佐郎郭璞上疏。以為陰陽錯繆。皆繁刑所致。赦不欲數。然子產知鑄刑書。非政之善。不得不作者。須以救弊故也。今之宜赦。理亦如之。

質實

郭璞。河東聞喜人。子產。春秋時鄭人。即國僑也。仕鄭為大夫。作封洫。

不毀鄉校。制參辟。鑄刑書。上下有服。都鄙有章。孔子過鄭。因與之厚。及卒。泣曰。古之遺愛也。